

## SAMOA

### Faatulagaina o Aiaiga

- |   |   |
|---|---|
| 1. Igoa puupuu ma le amataga                                  | 12. Sui Ofisa Sili o Pulega   |
| 2. Faamatalaina o uiga o upu                                  | 13. Aufaigaluega  |
| 3. Faalapotopotoga o Faasalalauga a Samoa                     | 14. Faasee atu o Meatotino ma Noataga tau aitalafu i le Faalapotopotoga |
| 4. Faamaufaailoga   | 15. Faasee atu o le Aufaigaluega i le Faalapotopotoga                   |
| 5. Pui puiga o le igoa o le Faalapotopotoga ma nisi lava igoa | 16. Ia le sili atu tupe alu nai lo tupe maua                            |
| 6. Galuega tauave ma Malosiaga a le Faalapotopotoga           | 17. Teugatupe, Sueina faasuetusi ma Lipoti Faaletausaga                 |
| 7. Komiti Faatino o Faatonu                                   | 18. Tulaga faalilolilo  |
| 8. Fonotaga a le Komiti Faatino                               | 19. Tulafono Faatonutonu  |
| 9. Faamatuuina atu o Malosiaga a le Komiti Faatino            | 20. Soloaiga  |
| 10. Ofisa Sili o Pulega                                       | 21. Soloia  |
| 11. Sootaga o le Ofisa Sili o Pulega i le Komiti Faatino      |   |

---

2003, Nu. 14

**O SE TULAFONO e faavaeina ai le Faalapotopotoga o Faasalalauga a Samoa ma mo faamoemoga talafeagai.**

*[26 Iuni 2003]*

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:-

**1. Igoa puupuu ma le amataga-**(1) E mafai ona taua leni Tulafono o le Tulafono o le Faalapotopotoga o Faasalalauga a Samoa 2003.

(2) O leni Tulafono o le a amata faamamaluina i le aso e filifilia e le Palemia.

(3) O le faasilasilaga o le amata faamamaluina o leni Tulafono e tatau ona lomia faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

**2. Faamatalaina o uiga o upu** – I totonu o leni Tulafono, ae vagana ai ua manaomia e le faaupuga nisi uiga e ese ai -

“Komiti Faatino” o lona uiga o le Komiti Faatino o Faatonu ua faavaeina i lalo o le fuaiupu 7:

“Ofisa Sili o Pulega” o lona uiga o le Ofisa Sili o Pulega ua faavaeina i lalo o le fuaiupu 10:

“Faalapotopotoga” o lona uiga o le Faalapotopotoga o Faasalalauga a Samoa ua faavaeina i lalo o le fuaiupu 3:

“Matagaluega o Faasalalauga” o lona uiga o le Matagaluega o Faasalalauga ua faavaeina i lalo o le fuaiupu 3 o le Tulafono o Faasalalauga 1959 ma e aofia ai le Matagaluega o Fesootaiga ma Faamatalaga Tekonolosi ua faavaeina i lalo o le Tulafono o le Faatulagaina o Tofi Faaminisita ma Matagaluega 2003:

“Faatonu” o lona uiga o se Faatonu o le Komiti Faatino:

“Malo” o lona uiga o le Malo o le Atunuu Tutoatasi o Samoa:

“Minisita e Fitoitonu i ai” o lona uiga o le Minisita e nafa mo faasalalauga mai lea taimi i lea taimi:

“Samoa” o lona uiga o le Atunuu Tutoatasi o Samoa.

**3. Faalapotopotoga o Faasalalauga a Samoa-**(1) Ua faavaeina nei le Faalapotopotoga o Faasalalauga a Samoa.

(2) O le Faalapotopotoga o se itutino ua tuufaatasia faaletulafono e i ai lona soloaiga le motusia faatasi ai ma se faamaufaailoga.

(3) E mafai e le Faalapotopotoga ona -

- (a) Mauaina, umia ma faamatuu atu meatotino moni ma meatotino tau le tagata lava ia;
- (b) Ia molia ma molia foi o ia; ma
- (c) Faia ma tauave faigata o ia gaoioiga uma ma mea e pei ona mafai e itutino ua tuufaatasia faaletulafono ona faia faaletulafono ma tauave.

**4. Faamaufaailoga** – O le Failautusi o le Komiti Faatino e tatau ona i ai le puipuiga malu o le Faamaufaailoga a le Faalapotopotoga, lea e faatoa faapipii i se pepa aloaia e tusa ai o se iugafono a le Komiti Faatino e faia e le Taitaifono po o le Sui Taitaifono po o se isi Faatonu o le Faalapotopotoga ua tofia e le Komiti Faatino a o i ai se Faatonu o le Faalapotopotoga o i laua ia o le a faamaonia le faapipiina o le faamaufaailoga e ala i a laua saini.

**5. Puipuiga o le igoa o le Faalapotopotoga ma isi lava igoa** – E ui lava i aiaiga o so o se isi tulafono, e leai se tagata po o se isi faalapotopotoga e tatau ona faaaogaina, tuufaatasia faaletulafono pe faamauina i lalo o so o se tulafono po o le faaaogaina se igoa i se isi faiga e ese ai:

- (a) E faapea e tutusa ma igoa o le Faalapotopotoga o Faasalalauga a Samoa, Televise Samoa ma le Leitio 2AP po o so o se televise po o se nofoaga faasalalau leitio e faafoeina e le Faalapotopotoga; po o
- (b) E faapea e tutusa ma le igoa valaau a so o se televise po o se nofoaga faasalalau leitio e faafoeina e le Faalapotopotoga; po o
- (c) E faapea e foliga tutusa ma so o se igoa po o se igoa valaau ua faamaoti i parakalafa (a) po o le (b) e taitai sese ai po o ua fuafua e taufaasese ai.

**6. Galuega tauave ma Malosiaga a le Faalapotopotoga-**

- (1) O galuega tauave a le Faalapotopotoga e tatau ona i ai -
- (a) Ia pulea ma faafoe le Televisi Samoa ma le Leitio 2AP ma so o se po o meatotino moni uma po o meatotino tau le tagata lava ia, meatotino, noataga tau aitalafu, galuega tauave ma tiute tauave a le Televisi Samoa ma le Leitio 2AP;
  - (b) Ia faaauau pea, pulea, faafoe, atiae, faalautele ma faaleleia le faafoeina o le Televisi Samoa ma le Leitio 2AP ma isi lava auunaga tau televise ma faasalalauga i le leitio ma auunaga tau faasalalauga e faamaonia e le Kapeneta mai lea taimi i lea taimi;
  - (c) Ia faatino nisi lava galuega tauave e mafai ona faamaonia e le Kapeneta mai lea taimi i lea taimi;
  - (d) Ia faatino so o se Noataga tau i Nuu ma Alaalafaga e tusa ai ma aiaiga o le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001;
  - (e) Ia fautua le Minisita e Fitoitonu i ai mo mataupu e faasino i galuega tau faasalalauga i le televise ma le leitio ma auunaga tau faasalalauga e tuuina atu e le Faalapotopotoga;
  - (f) Ia faia ma faatino isi lava galuega tauave, malosiaga ma tiute tauave e pei ona faaee atu ma tuu atu i le Faalapotopotoga i lalo o so o se tulafono.
- (2) E tatau ona i ai i le Faalapotopotoga ia malosiaga, aiatatau ma le pule e pei ona talafeagai ai po o e faavavevave ai le faatinoga o ana galuega tauave ma e aunoa ma le faatapulaaina o le aotelega o lenei faafuuiupu e mafai e le Faalapotopotoga ona:
- (a) Faavaeina, faapipii, faatu, suia, toe fausia, faafoe ma tausia fale faasalalau o le televise ma le leitio, masini faasalalau, nofoaga e faau i ai polokalame ma so o se isi nofoaga tau faasalalauga o le televise po o le leitio;

- (b) Galue e faamaopoopo po o e fesootai ma so o se isi lava tagata po o faalapotopotoga ua tuufaatasia faaletulafono pe leai, ma pe i totonu o Samoa po o se isi nofoaga, mo le tauaveina o ana galuega tauave po o so o se faamoemoega o lenei Tulafono;
  - (c) Tuuina atu o faasalalauga faa-saofaga po o isi faasalalauga faapitoa po o galuega tau faasalalauga e mafai ona faamaonia e le Kapeneta i luga o ia aiaiga ma tuutuuga e pei ona fuafuaina e le Faalapotopotoga;
  - (d) Faatino, faia po o le poloaia ina ia faia polokalame ma galuega mo faasalalauga e le Faalapotopotoga ma/po o isi tagata i luga o ia aiaiga ma tuutuuga e pei ona fuafuaina e le Faalapotopotoga; ma
  - (e) Faatulaga totogifuapuina ma tau faaee atu mo so o se galuega e tuuina atu e le Faalapotopotoga.
- (3) I le faatinoina o ana galuega tauave ma malosiaga e tatau i le Faalapotopotoga ona amanaia le faiga faavae lautele a le Malo e pei ona fesootai atu ai i le Komiti Faatino i se tusitusiga a le Minisita e Fitoitonu i ai.

**7. Komiti Faatino o Faatonu-**(1) O le a pulea e se Komiti Faatino o Faatonu le Faalapotopotoga.

(2) E tatau ona aofia i le Komiti Faatino o Faatonu:

- (a) Se Taitaifono; ma
- (b) Se Sui Taitaifono; ma
- (c) Nisi Faatonu e toafitu (7).

(3) O le Taitaifono, Sui Taitaifono ma isi faatonu e tatau ona tofia e le Ao o le Malo, faia i luga o le fautuaga a le Kapeneta, mo se vaitaimi e oo atu i le tolu tausaga ma, i le noatia ma le fai fuafua i le tulafono, e agavaa mo le toe tofia.

(4) I le filifilia ma le tofiaina o Faatonu e tatau i Le Ao o le Malo ma le Kapeneta ona tausisia manaoga o le Tulafono o Faalapotopotoga a le Malo (Faatinoga o Faluega ma le Mafai ona Tali atu) 2001 ma ia amanaia le manaoga:

- (a) Mo le Komiti Faatino ina ia i ai ni Faatonu e i ai ni o latou tomai faapitoa ma poto masani i:
    - (i) pisinisi;
    - (ii) pulega;
    - (iii) vaega tau faasalalauga;
    - (iv) FaaSamoa; ma
  - (b) Ia aofia ai e le gata o tamaitai a o alii ma tagata mai motu o Samoa.
- (5) O Faatonu uma e tatau ona tausisia aiaiga o le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001.

**8. Fonotaga a le Komiti Faatino-**(1) I le noatia ma le fai fuafua i le faafuaiupu (4), e tatau ona usuia fonotaga a le Komiti Faatino i taimi ma i nofoaga e pei ona fuafuaina e le Taitaifono po o e le Sui Taitaifono i le toesea ai o le Taitaifono mai lea taimi i lea taimi.

(2) E tatau ona nofoi le nofoa Taitaifono e le Taitaifono i fonotaga uma a le Komiti Faatino po o le Sui Taitaifono pe afai e toesea le Taitaifono.

(3) I le toesea ai o le Taitaifono ma le Sui Taitaifono, e tatau i Faatonu ona filifili se toatasi o Faatonu e galue faa-Taitaifono.

(4) E ese mai ai le faafuaiupu (1), e mafai e le Sui Taitaifono po o ni Faatonu se toalua, i so o se taimi ona talo se fonotaga faapitoa a le Komiti Faatino e ala i le tuuina atu o se faasilasilaga tusitusia i totonu o le tolu aso i Faatonu taitasi e faailoa atu ai galuega o le a tagofia i le fonotaga.

(5) I fonotaga uma, o le auai o Faatonu e toalima o le a avea ma fuainumera o sui auai e mafai ai ona usuia se fonotaga.

(6) O se fesili ua i luma o le Komiti Faatino e tatau ona faia i ai se iugafono e se vaega toatele o Faatonu o lo o auai ma palota.

(7) O se iugafono ua sainia po o ua i ai se maliega e ala i se tusi, fesi po o le imeli e Faatonu taitasi, e tatau ona avea e faapei o se iugafono sa pasia i se fonotaga a le Komiti Faatino.

(8) O le tagata o lo o taitaifono i se fonotaga a le Komiti Faatino e tatau ona i ai sana palota e faia ai le faaiuga faapea se palota e faia ai se filifiliga.

(9) I le noatia ma le fai fuafua i lenei Tulafono e mafai e le Komiti Faatino ona faatonutonu ana tualumaga i se faiga e manatu e talafeagai ai.

(10) E tatau i le Komiti Faatino ona tofia se tagata talafeagai o lo o faafaigaluega e le Faalapotopotoga e galue faa-failautusi i le Komiti Faatino.

(11) E tatau i le Komiti Faatino ona poloaia le tausia lelei o tusitusiga sao o mataupu o ana fonotaga, e aofia ai le tusia o igoa o faatonu uma o lo o auai ma palota ma iugafono uma ua tuuina atu i le Komiti Faatino.

(12) Afai ua sainia tusitusiga o mataupu o fonotaga a le Komiti Faatino e pei ona faamaonia ai e se Faatonu o lo o taitaia le fonotaga, e tatau ona talia i totonu o so o se Faamasinoga e avea ma molimau e aunoa ma se faamaoniga atili ma e tatau ona taliaina e avea ma molimau o le moni o mataupu o lo o i totonu o tusitusiga o mataupu vagana ua faamaonia se tete.

#### **9. Faamatuuina atu o Malosiaga a le Komiti Faatino-(1)**

E mafai e le Komiti Faatino, e le gata i le tulaga aoao po o e ese mai ai e pei ona aiaia i le pepa faaletulafono o le faamatuuina atu i lalo o le faamaufaailoga a le Faalapotopotoga, ona faamatuu atu i so o se tagata so o sana malosiaga ma malosiaga a le Faalapotopotoga i lalo o lenei Tulafono.

(2) O se malosiaga ua faamatuu atu i lalo o le faafuuiupu (1) pe a faatino e le tagata ua faamatuu atu i ai e tatau mo faamoemoega uma ona avea e faapea ua faatinoina e le Faalapotopotoga.

(3) O se faamatuu atu o malosiaga i lalo o lenei fuaiupu e le taofia ai le faatinoina o so o se malosiaga e le Komiti Faatino.

(4) O se faamatuu atu o malosiaga i lalo o lenei fuaiupu e tatau ona faaleaogaina i le pule faitalia a le Komiti Faatino.

**10. Ofisa Sili o Pulega-(1)** E tatau i le Ao o le Malo faia i luga o le fautuaga a le Kapeneta ona tofia se Ofisa Sili o Pulega mai lea taimi i lea taimi.

(2) E tatau ona tofia le Ofisa Sili o Pulega mo se vaitaimi e le silia le tolu (3) tausaga i luga o ia tuutuuga e tutusa ma isi Ofisa Sili o Pulega e pei ona fuafuaina e le Komiti Faatino.

(3) E mafai ona toe tofia le Ofisa Sili o Pulega mai lea taimi i lea taimi.

(4) E le tatau i le Ofisa Sili o Pulega ona auai i so o se pisinisi po o se galuega.

(5) E mafai e le Ofisa Sili o Pulega ona tuuina atu i so o se tagata e avea ai ma ona sui so o se malosiaga faa Ofisa Sili o Pulega i luga o le faatagaga a le Komiti Faatino.

**11. Sootaga o le Ofisa Sili o Pulega i le Komiti Faatino** – O le Ofisa Sili o Pulega e tatau ona tali atu i le Komiti Faatino mo le faafoeina lelei ma le atoatoa o le pulega o le Faalapotopotoga.

**12. Sui Ofisa Sili o Pulega-**(1) Pe afai e leai se Ofisa Sili o Pulega po o ua toesea le Ofisa Sili o Pulega po o ua le mafai ona faatino galuega tauave ma tiute tauave a le Ofisa Sili o Pulega mo so o se mafuaaga, e mafai e le Komiti Faatino ona tofia se Sui Ofisa Sili o Pulega i luga o ni tuutuuga ma ni aiaiga e pei ona fuafuaina e le Komiti Faatino.

(2) O se tagata e tofia e avea ma Sui Ofisa Sili o Pulega e tatau ona i ai le malosiaga tutusa e pei o le Ofisa Sili o Pulega.

**13. Aufaigaluega-**(1) E mafai e le Faalapotopotoga ona faafaigaluega sea aufaigaluega e pei ona ia manatu ua talafeagai mo le pulea lelei ma le atoatoa o le faatinoga o galuega tauave a le Faalapotopotoga.

(2) O le aufaigaluega e tatau ona fai ma faalogo i ma e i lalo o le pulega a le Ofisa Sili o Pulega.

**14. Faasee atu o Meatotino ma Noataga tau aitalafu i le Faalapotopotoga-**(1) O meatotino, noataga tau aitalafu, aiatatau, o mea e agavaa i ai ma noataga faaletulafono uma a le Faalapotopotoga a le Televisi Samoa, sa faavaeina i lalo o le fuaiupu 3 o le Tulafono o le Faalapotopotoga a le Televisi Samoa 1994, ua faasee atu i le Faalapotopotoga.



(2) O ia meatotino, noataga tau aitalafu, aiatatau, o mea e agavaa i ai ma noataga faaletulafono a le Matagaluega o Faasalalauga e pei ona faasino i le Leitio 2AP e pei ona mafai ona fuafuaina e le Ofisa Sili o Pulega o le Matagaluega o Tupe ua faasee atu i le Faalapotopotoga.

**15. Faasee atu o le Aufaigaluega i le Faalapotopotoga-(1)**

O le aufaigaluega uma ua faafaigaluega e le Faalapotopotoga a le Televisi Samoa o le a faasee atu i le Faalapotopotoga.

(2) O le aufaigaluega ua faafaigaluegaina e le Matagaluega o Faasalalauga e faasino i le Leitio 2AP e pei ona maea ona feutagai ai le Minisita e Fitoitonu i ai ma le Komisi o Galuega a le Malo, e mafai ona faasee atu i le Faalapotopotoga.

(3) O le aufaigaluega uma ua faasee atu i le Faalapotopotoga e tatau ona noatia ma fai fuafua i aiaiga ma tuutuuga lava ia o galuega e pei ona agavaa i ai i le amata faamamaluina o lenei Tulafono seia oo ina faia e le Komiti Faatino se isi fuafuaga e ese ai.

(4) E ui lava i so o se isi tulafono, pe afai o le aufaigaluega a le Faalapotopotoga sa galulue i galuega a le Malo i le aso na amata faamamaluina ai lenei Tulafono, ua faatagaina le Faalapotopotoga ma le Komisi o Galuega a le Malo e faia ni feutanaiga e manatu i latou e talafeagai e foia ai so o se mataupu e faatatau i:

- (a) Le aiatatau ma mea e agavaa i ai ia tagata faigaluega; ma
- (b) Le noataga ma le matafaioi a le Faalapotopotoga, le Komisi o Galuega a le Malo ma le Malo e faafetaiai ai so o se aiatatau ma mea e agavaa i ai ia tagata faigaluega.

**16. Ia le sili atu tupe alu i tupe maua** – I le noatia ma le fai fuafua i manaoga o le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001 ma le Tulafono o le Pulega o Tupe a le Malo 2001, e tatau i le Faalapotopotoga ona mautinoa e faapea i tausaga faaletupe taitasi ia le sili atu tupe alu i tupe maua ma ia aua nei i ai se tupe pau i le Faamatalaga o Tupe Faasili ma Tupe Pau a le Faalapotopotoga.

**17. Teugatupe, Sueina faasuetusi ma Lipoti Faaletausaga**

–(1) E tatau i le Faalapotopotoga ona tausia tusitusiga atoatoa teugatupe o lo o i ai i le taimi nei e tusa ai ma aiaiga o le Tulafono o le Pulega o Tupe a le Malo 2001 ma le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001.

(2) E tatau i le Faalapotopotoga ona saunia faamatalaga o tupe maua ma tupe alu faaletausaga lea e tatau ona saunia ma sueina faasuetusi e tusa ai ma aiaiga o le Tulafono o Pulega o Tupe a le Malo 2001 ma le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001.

(3) E tatau i le Faalapotopotoga ona saunia ma tuuina atu i le Minisita faamatalaga o tupe maua ma tupe alu faaletausaga, lipoti a le Suetusi i ia faamatalaga ma se lipoti faaletausaga e tusa ai ma aiaiga o le Tulafono o le Pulega o Tupe a le Malo 2001 ma le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001.

(4) E tatau i le Minisita ona tuuina atu i le Palemene faamatalaga o tupe maua ma tupe alu faaletausaga, lipoti a le Suetusi i ia faamatalaga ma le lipoti faaletausaga e tusa ai ma aiaiga o le Tulafono o le Pulega o Tupe a le Malo 2001 ma le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2001.

**18. Tulaga faalilolilo** – E le tatau i Faatonu, o le Ofisa Sili o Pulega ma tagata faigaluega uma a le Faalapotopotoga ona faatalanoa pe faailoa atu i so o se tagata so o se mataupu ua latou silafia i lona tulaga o se Faatonu po o se Ofisa Sili o Pulega po o se tagata faigaluega, seia vagana ai ua manaomia ina ia faia i lenei Tulafono po o i se isi lava Tulafono po o seia vagana ai o se faatagaga a le Komiti Faatino po o e pei ona manaomia ai mo le faatinoga o o latou tiute tauave i le avea ai o se Faatonu po o se Ofisa Sili o Pulega po o se tagata faigaluega a le Faalapotopotoga, po o le a lava le tulaga o i ai.

**19. Tulafono Faatonutonu** – E mafai e Le Ao o le Malo, faia i luga o le fautuaga a le Kapeneta, mai lea taimi i lea taimi ona faia ia tulafono faatonutonu e pei ona o le a tatau ai mo le tuuina atu o tulaga atoatoa i aiaiga o lenei Tulafono ma mo lona puleaina.

**20. Soloaiga-**(1) I le amata faamamaluina o lenei Tulafono -

- (a) O aiatatau ma noataga uma tau aitalafu ua faatupulaia po o sa faatupulaia i le Faalapotopotoga a le Televise Samoa ua faaee atu i le Faalapotopotoga ma e mafai ona faamalosia e po o e faasaga i le Faalapotopotoga e tusa ai;
- (b) O aiatatau ma noataga uma tau aitalafu ua faatupulaia po o sa faatupulaia i le Matagaluega o Faasalalauga ma le Malo e pei ona faasino i le Leitio 2AP ma e faapea ua faasee atu i le Faalapotopotoga e mafai ona faamalosia e po o e faasaga i le Faalapotopotoga e tusa ai;
- (c) O konekarate uma, maliega, feagaiga ma faamalualuga sa faia e po o sa tuuina atu i po o e le Faalapotopotoga a le Televise Samoa ua avea ma konekarate, maliega ma feagaiga a le Faalapotopotoga ma e faaono mafai ona faamalosia e po o e faasaga i le Faalapotopotoga e tusa ai;
- (d) O konekarate, maliega, feagaiga ma faamalualuga uma sa faia e po o sa tuuina atu i po o e le Matagaluega o Faasalalauga ma le Malo e pei ona faasino i le Leitio 2AP ma e faapea ua faasee atu i le Faalapotopotoga e faaono mafai ona faamalosia e po o e faasaga i le Faalapotopotoga e tusa ai;
- (e) O aitalafu uma ua tatau ona totogi ma tupe totogi atu e le Faalapotopotoga a le Televise Samoa ma o tagi uma, mea ua faamaape ma mea e le i faamaapeina, mea ua toe faaola e faasaga i le

Faalapotopotoga a le Televise Samoa e tatau ona avea ma aitalafu ua tatau ona totogi ma tupe totogi atu e ma tagi ua toe faaola e faasaga i le Faalapotopotoga;

- (f) O aitalafu uma ua tatau ona totogi ma tupe totogi atu e le Matagaluega o Faasalalauga ma le Malo e pei ona faasino i le Leitio 2AP ma ua faasee atu i le Faalapotopotoga i lalo o lenei Tulafono e tatau ona avea ma aitalafu ua tatau ona totogi ma tupe totogi e ma tagi toe faaola e faasaga i le Faalapotopotoga;
- (g) O taualumaga uma faaletulafono po o isi taualumaga e ono mafai, ae mo lenei fuaiupu, ua amatalia po o ua faaauau e po o e faasaga i le Faalapotopotoga a le Televise Samoa e faaono mafai ona amatalia pe faaauau e po o e faasaga i le Faalapotopotoga;
- (h) O taualumaga uma faaletulafono po o isi taualumaga e ono mafai, ae mo lenei fuaiupu, ua amatalia po o ua faaauau e po o e faasaga i le Matagaluega o Faasalalauga ma le Malo e pei ona faasino i le Leitio 2AP ma e faapea ua faasee atu i le Faalapotopotoga e faaono mafai ona amatalia po o e faaauau e pe faasaga i le Faalapotopotoga;
- (i) So o se fuaitau e faasino i le Faalapotopotoga a le Televise Samoa i totonu o so o se tulafono, tulafono ua i ai le pule, pepa faaletulafono po o se pepa aloaia e tatau ona avea o se fuaitau e faasino i le Faalapotopotoga mo faamoemoega uma, ae vagana ai o loo manaomia e le mataupu se isi uiga e ese ai;
- (j) So o se fuaitau e faasino i le Matagaluega o Faasalalauga ma le Malo i totonu o so o se tulafono, tulafono ua i ai le pule, pepa faaletulafono po o se pepa aloaia e faasino i le

Leitio 2AP e tatau ona avea ma fuaitau e faasino i le Faalapotopotoga mo faamoemoega uma, ae vagana ai o lo o manaomia e le mataupu se isi uiga e ese ai.

(2) E ui lava i aiaiga o lenei Tulafono ma so o se tulafono, afai ua le atoatoa le faia o lenei Tulafono po o ua le po o le leai o ni aiaiga e mautinoa ai le atoatoa ma lelei o le soloaiga mai le Faalapotopotoga a le Televisi Samoa ma le Matagaluga o Faasalalauga i le Faalapotopotoga, le Malo, le Minisita e Fitoitonu i ai, le Komisi o Galuga a le Malo ma e tatau i le Faalapotopotoga ona i ai le malosiaga e faia ai gaoioiga ma mea uma lava e faapea ua manatu e talafeagai ina ia mautinoa sea soloaiga ma tuuina atu ai le faamamaluina atoatoa ma le malosi o lenei Tulafono.

**21. Soloia** – Ua soloia le Tulafono o le Faalapotopotoga a le Televisi Samoa 1994.

---